

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj: 39/14), a nakon provedenog otvorenog postupka za izbor dobavljača roba - Rezervni dijelovi za Motorne Pile, Bušače i HTP Pilu, za potrebe KJP „Sarajevo-šume“ d.o.o. Sarajevo u 2017. godini, dana 10.04.2017. godine u Sarajevu zaključen je

## **OKVIRNI SPORAZUM O JAVNOJ NABAVCI ROBA**

Između:

**KJP „Sarajevo-šume“ d.o.o. Sarajevo, ul. Maršala Tita 7/II** (u daljem tekstu: **Kupac**), koga zastupa Direktor Preduzeća **mr.sci. Nermin Demirović, dipl.ing.šum.**

i  
**„MANKO VELEMOTOR“** Društvo za unutrašnju i vanjsku trgovinu, zanatstvo i usluge d.o.o. Sarajevo, sa sjedištem u Sarajevu, ul. Trešnje broj 62, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-17-000461 od 19.1.2017. godine, identifikacioni broj: 4200068110002; PDV broj: 200068110002 (u daljem tekstu: **Prodavac**) koga zastupa **Manko Haris, direktor.**

(u daljem tekstu : **Ugovorne strane**)

### **Član 1.**

U skladu sa ovim Okvirnim sporazumom Ugovorne strane će tokom cijelog ugovornog perioda zaključivati pojedinačne ugovore o predmetu javne nabavke za koji je proveden otvoreni postupak za izbor dobavljača roba za potrebe KJP „Sarajevo-šume“ d.o.o. Sarajevo u 2017 godini, i to :

#### **- Rezervni dijelovi za Motorne Pile, Bušače i HTP Pilu**

prema Obrascu za cijenu ponude, koji je dostavljen u ponudi Prodavca, protoklisanoj kod Kupca pod brojem: 0103-287-6/17 od 09.03.2017. godine, a koji su prilog ovog Okvirnog sporazuma i čine njegov sastavni dio.

Nabavka i sukcesivna isporuka roba iz prethodnog stava vršit će se do iznosa od **20.000,00 KM (slovima: dvadeset hiljada KM)**, bez uračunatog PDV-a, a što će zavisiti od potreba Kupca.

### **Član 2.**

Ovaj Okvirni sporazum se zaključuje na osnovu Zapisnika sa otvaranja ponuda za javnu nabavku roba broj: 0103-287/17 za Rezervni dijelovi za Motorne Pile, Bušače i HTP Pilu, broj: 0103-287-8/17 od 09.03.2017. godine, Zapisnika o pregledu i ocjeni ponuda, broj: 0103-287-9/17 od 15.03.2017. godine, Odluke Nadzornog odbora Kupca, broj: 0102-287-4/17 od 20.02.2017. godine i pravosnažne Odluke o izboru najpovoljnijeg ponuđača, broj: 0103-287-10/17 od 20.03.2017. godine.

### **Član 3.**

Za period naveden u članu 1. Kupac će, u skladu sa članom 32. stav (2) Zakona o javnim nabavkama Bosne i Hercegovine, tokom cijelog ugovornog perioda zaključivati ugovore sa Prodavcem bez primjene postupaka utvrđenih u Zakonu o javnim nabavkama Bosne i Hercegovine, odnosno na predmetne nabavke neće se primjenjivati odredbe propisa kojim se uređuje postupak javne nabavke.

### **Član 4.**

Na osnovu ovog Okvirnog sporazuma Ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog Okvirnog sporazuma odnosno nabavku rezervnih dijelova za Motorne Pile, Bušače i HTP Pilu, čija finansijska vrijednost odnosno period trajanja maksimalno može biti do iznosa i perioda utvrđenog u članu 1. ovog Okvirnog sporazuma, a što će zavisiti od potreba i interesa Kupca. Pojedinačne nabavke odnosno ugovori obavezno će se zaključivati pod uslovima utvrđenim u tenderskoj dokumentaciji odnosno prema ponudi Prodavca protoklisanoj kod kupca pod brojem: 0103-287-6/17 od 09.03.2017. godine, odnosno u skladu sa odredbama Zakona o javnim nabavkama Bosne i Hercegovine i Zakona o obligacionim odnosima FBiH.

#### **Član 5.**

Prodavac se obavezuje da će Kupcu za vrijeme trajanja Okvirnog sporazuma vršiti sukcesivnu isporuku roba navedenih u članu 1. ovog Ugovora u roku od 24 (dvadesetčetiri) sata od dana zaprimanja zahtjeva za nabavku fcco Centralni magacin "Hadžići" i fcco Mehanička radionica „Srednje“, a u svemu prema ponudi Prodavca protokolisanoj kod Kupca pod brojem:0103-287-6/17 od 09.03.2017. godine.

U slučaju kašnjenja u isporuci roba, do kojeg je došlo krivicom Prodavca, isti se obavezuje da Kupcu plati ugovornu kaznu u skladu sa Zakonom o obligacionim odnosima u iznosu od 1 % (vrijednosti ugovorenih roba) za svaki dan kašnjenja do urednog ispunjenja, s tim da uskupan iznost ugovorne kazne ne može prijeći 10% od ukupne ugovorene vrijednosti roba koja je predmet narudžbe. Prodavac je dužan platiti ugovornu kaznu u roku od 7 dana od dana primanja zahtjeva za plaćanje od strane Kupca.

#### **Član 6.**

Ponuđač se obavezuje da će isporučivati samo originalne rezervne dijelove koji su po svojim karakteristikama identični rezervnim dijelovima koji su se koristili prilikom proizvodnje motornih pila, bušaća i tračne pile koji su predmet ovog Ugovora.

U slučaju reklamacije Ugovornog organa na kvalitet i kvantitet isporučene robe, Ugovorne strane će zapisnički konstatovati eventualne nedostatke u prisustvu svojih ovlaštenih predstavnika, a Ponuđač se obavezuje da će iste otkloniti odmah zamjenom roba čiji je kvalitet zadovoljavajući.

#### **Član 7.**

Prodavac se obavezuje da će u roku od 15 (petnaest) dana od dana zaključenja ovog Okvirnog sporazuma obezbijediti bezuslovnu bankarsku garanciju poslovne banke za dobro izvršenje posla u visini od 10% od ugovorene vrijednosti javne nabavke bez uračunatog PDV-a koja će poslužiti za pokrivanje svake štete i troškova koje Ugovorni organ može imati ukoliko Prodavac prekrši sporazum o nabavci od potpisivanja do njegovog ispunjenja u cijelosti.

Pokriće iz bankarske garancije ne oslobađa Prodavca odgovornosti od namirenja eventualne potpune štete po odredbama Zakona o obligacionim odnosima ukoliko je visina eventualne štete veća od iznosa koji se može dobiti po osnovu garancije.

#### **Član 8.**

Kupac se obavezuje da Prodavcu za isporučenu robu koja je predmet ovog Okvirnog sporazuma, a u skladu sa ispostavljenom narudžbenicom plati novčanu naknadu sa uračunatim PDV-om u skladu sa jediničnim cijenama roba datim u Obrascu za cijenu ponude, a koje su dostavljene u Ponudi Prodavca.

Ugovorne strane su saglasne da su jedinične cijene roba i ukupna vrijednost ponude utvrđene u članu 1. ovog Okvirnog sporazuma, bez uračunatih indirektnih pripadajućih poreza, odnosno PDV-a i da su iste nepromjenljive u skladu sa Izjavom datom u ponudi Prodavca protokolisanoj kod Kupca pod brojem:0103-287-6/17 od 09.03.2017. godine.

#### **Član 9.**

Kupac se obavezuje da Prodavcu za isporučene robe navedene u članu 1. ovog Okvirnog sporazuma, a u skladu sa ispostavljenom narudžbenicom plati novčanu naknadu u skladu sa jediničnim cijenama roba datim u specifikaciji roba koje su dostavljene u ponudi Prodavca, u roku od 30 (trideset) dana od dana ispostavljanja fakture.

Uplatu po ispostavljenoj fakturi Kupac će izvršiti na transakcijski račun Prodavca, broj:1610000049610079 otvoren kod Raiffeisen banke.

#### **Član 10.**

Za realizaciju i praćenje realizacije ovog Okvirnog sporazuma u ime Kupca zadužuje se Služba za marketing i komercijalne poslove.

#### **Član 11.**

Okvirni sporazum primjenjuje se zbog postojanja okolnosti utvrđenih u članu 32. Zakona o javnim nabavkama Bosne i Hercegovine.

#### **Član 12.**

Odredbe ovog Okvirnog sporazuma ne mogu se mijenjati nakon njegovog zaključenja.

### Član 13.

Prodavac u svrhu izvršenja ovog Okvirnog sporazuma nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Kupca, najmanje 6 (šest) mjeseci po zaključenju Okvirnog sporazuma, odnosno od početka realizacije Okvirnog sporazuma.

### Član 14.

Na sve što nije regulisano ovim Okvirnim sporazumom primjenjuju se odredbe Zakona o obligacionim odnosima F BiH.

### Član 15.

Sve eventualne sporove po ovom Okvirnom sporazumu ugovorne strane rješavat će sporazumno, a ako to ne bude moguće u slučaju spora po ovom Okvirnom sporazumu nadležan je Općinski sud u Sarajevu.

### Član 16.

Ovaj Okvirni sporazum stupa na snagu danom potpisivanja od strane obje Ugovorne strane i traje do 31.12.2017. godine.

### Član 17.

Ovaj Okvirni sporazum je sačinjen u 6 (šest) istovjetnih primjeraka od kojih 4 (četiri) zadržava Kupac, a 2 (dva) primjerka Prodavac za svoje potrebe.

Za Prodavca

Manko Haris



Za Kupca  
Direktor

mr.sci. Nermin Demirović, dipl.ing.šum.

Izvršni direktor Oblasti za šumarstvo

mr.sci. Alispahić Nevres, dipl.ing.šum.

Izvršni direktor Oblasti za opšte poslove

Kečo Hidajeta, dipl. ecc.



Broj: 020-132-07  
Datum: 17.04.2017. godine

Broj: 0103-287-12/17  
Datum: 10.04.2017. godine